



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LESIBILI LOKUNGEZELELA (SAL)

IPHEPHA LESIBILI (P2)

NOVEMBA 2010

IMITLOMELO: 80

ISIKHATHI: ama-iri ama-2

Iphepheli linamakhasi ali-7.

YELELA

1. Iphepheli LINEENGABA EZINTATHU, u-A, B no-C:
 - ISIGABA A: Amatheksti wokuzitlamela (40)
 - ISIGABA B: Amatheksti wokuthintana amade (20)
 - ISIGABA C: Amatheksti wokuthintana amithombo, anikela ilwazi, abukelwako kanye naweendlela ezahluhlukeneko zokuthintana (20)
2. Funda imiyalo yoke ngokuyelela okukhulu.
3. Khetha imibuzo ukuya ngemiyalo onikelwe yona.
4. Phendula umbuzo OWODWA esigabeni ngasinye.
5. Thoma umbuzo NGAMUNYE ekhasini ELITJHA.
6. Iimpendulo azinikelwe iinomboro ezifana nalezo eziseenhlokwani ezinikelweko.
7. Ngileyo naleyo ipendulo ayinikelwe isihloko sayo.
8. Uyayeleliswa kobana usebenzise okungenani imizuzu ema-60 KUSIGABA A, imizuzu ema-30 KUSIGABA B, bese kuthi imizuzu ema-30 kube NGEYESIGABA C.
9. Tlola ngesandla esibonakalako.
10. Yelela ukupeledwa kwamagama kanye nokwakhiwa kwemitjho.

ISIGABA A: AMATHEKSTI WOKUZITLAMELA**UMBUZO 1**

Khetha isihloko ESISODWA bese utlola indaba engaba magama ali-150 – 180.

Kufuze utlame (isibonelo, umebhengqondo, umgwalo/amaflowutjhadi/amagama amumongo) ubuyekeze bewulungise neemphoso emsebenzinakho. Umtlamakho awuvele nanyana ubonakale NGAPHAMBI kwendaba.

- 1.1 Tlola indaba ngebizelo olithandako utjho nokobana kungebanga lani ukhethe lona.

[40]**NOFANA**


- 1.2 Tlola indaba uhlathulule ngelanga mhlazana kukhambe igezi la uhlala khona ningakalindeli.

[40]**NOFANA**

- 1.3 Nawunganikelwa ithuba lokuba ngumeluleki wakaMengameli weSewula Afrika, ungameluleka bona enzeni ukunzinzisa ubujamo bezepolotiki eSewula Afrika. Tlola indaba uveze ongamyelelisa ngakho.

[40]**NOFANA**

- 1.4 Kubonakala inga abantu abatjha kanengi balelesiswa kulalela abangani balise ukulalela ababelethi babo. Qalisisa isithombe esingenzasi bese utlola indaba ngaphasi kwesihloko esithi, '**Igandelelo labangani**'.

**[40]****NOFANA**


- 1.5 Qalisisa isithombe esilandelako bese utlola indaba ngesihloko esithi, **'Ubumnandi bamaholideyi kaKresimusi'**.



[40]

NOFANA


- 1.6 ISewula Afrika yindawo eyaziwa ngobuhle bemihlobo ehlukahlukeneko yabantu namasiko ahlukahlukeneko. Tlola indaba uveze ukuqakatheka kwamasiko ahlukahlukeneko nobulimi-nengi kumaSewula Afrika.



[40]

NOFANA

- 1.7 Qalisisa isithombe esingenzasi bese utlole indaba ngalokho okusesithombeni. Indaba leyo uyinikele isihloko.



[40]

NOFANA

- 1.8 Kuzwakele eendabeni bona indoda ethileko ibulele umkayo nomntwana nayo yazibulala. Tlola indaba utjho bona **ukutjhada kusaqakathekile na**.


[40]

IMITLOMELO YESIGABA A:**40**

ISIGABA B: AMATHEKSTI WOKUTHINTANA AMADE**UMBUZO 2**

Khetha isihloko ESISODWA bese utlola ngaso amagama abe ma-60 – 80.

- 2.1 Qalisisa isithombe esilandelako utlole ikulumo-pendulwano esuselwa kilokho ekusesithombeni. Indaba ozoyitlola, bewuyinikele nesihloko.

**[20]****NOFANA**

- 2.2 Umnakwenu oneminyaka elitjhumi nambili uthome ukubhema igwayi. Mtlotele incwadi umkhalime ngesenzo esimbi kangaka asenzako ube umvezele nengozi asele azifake kiyo.

[20]**NOFANA**

- 2.3 Umzawakho oyimbongi engusaziwako ubhubhile. Iimbikiindaba ezinengi zifuna umlando wakhe. Wena njengelunga lomndeni elifundileko, tlola umlando kamufi ozeleko ozowuthumela iimbikiindaba.

[20]**NOFANA**

- 2.4 Isikolo senu besigidinga umnyanya wokulayelisa abafundi bebanga letjhumi eZithabiseni. Yeke omunye wabafundi wahlaselwa mumuntu ongaziwako ngomukhwa wambulala. Wena njengofakazi obonileko, tlola umbiko ozowuthumela emapholiseni ngesenzekweso.

[20]**IMITLOMELO YESIGABA B: 20**

ISIGABA C: AMATHEKSTI WOKUTHINTANA AMITHOMBO, ANIKELA ILWAZI, ABUKELWAKO KANYE NAWEENDLELA EZAHLUKAHLUKENEKO ZOKUTHINTANA**UMBUZO 3**

Khetha isiqetjhana ESISODWA bese utlola ngaso. Umtlolwakhwo awube namagama ama-40 – 60.

- 3.1 Ekheni kunomnyanya wokungenisa abobaba. Yeke umalumakho akayazi indlela eza kwenu. Mtlotele iinkomba azazilandela lokha nakeza kwenu. [20]

NOFANA

- 3.2 Tlotele umnganakho osele afunda ngaphetjheya iposkarada umfisele ilanga elihle lamabeletho. [20]

NOFANA

- 3.3 Qalisisa isithombe esilandelako bese utlole ikarada lesimemo ngalokho okubona kwenzeka esithombeni.



[20]

IMITLOMELO YESIGABA C: 20
INANI LOKE: 80